

# Jahresrückblick 2018

Und scho wider isch es Jahr düre!

Neujahrsapero mit dr Solduszahlung wie immer bi üsem Sekretär vom Verein, nach de Mitteilungen und em finanziellen, geits aube luschtig witer, die paar wo nid chöme Verpasste e luschtige Nachmittag, villich chöme si de ou einisch!

Im Februar hei mr zTreberwurstessen bir Cordula und Peter Bosch gha.

GV-2018, im Waldhaus Schwadernau, isch aues ohne Einwände genehmigt worden, zum Ässe hets heisse Hamme und Kartoffelsalat gäh.

Im Februar si mr Überraschend i Besitz vore Handdruckspritze cho, Rapperswil het ihri Sprütze wöue los würde u es isch fasch die glichi wie üsi glich Jahrgang 1902, Fabrik.-nr 1412, üsi het 1410, villich Restauriere mr se einisch u wenn bi üsere mou öppis kaputt geit hei mr ömu Ersatzteile!

Im März isch üses Reisli gsi, wider einisch e Intressante Ausflug gsi, mi leert gäng wider öppis neus kenne, ig Stune aube über die Guete Idee wo gäng chöme.

Im Frühling heimer a üsere Sprütze aui Lederdichtungen ersetzt, jetzt isch wider aues Dicht. Tip-top!

Im April hei ou d`Mittwuchhhöck wider agfange, i däm Monat wo mir nüt hei mou chlei zäme hocke öppis ufe Grill lege, es Bier trinke, zäme Ploudere.

Eieraufleset isch am 22. April in Schwadernau gsi, hei Mega guets Wätter gha u isch guet acho, so wi me nächer het ghört.

Anfang Mai, Übung mit üsere Sprütze, wider Luft pumpet statt Wasser! So ne Seich!! Mir hei du verschiedene Sache probiert u hei use gfunge wemer dr Kasten mit Wasser füllen kein Problem. Die Pumpi Ausbauen, das git e cheibe Arbeit, drumm im Momänt, Kasten füllen und guet.

Jahresanlass isch dr EHDSW in Heimiswil gsi, mir si zwar fasch vergässe worde, het du aber glich no klappt. Üse Auftritt, isch sehr guet gsi, was d` Mannschaft gleischtet het, Bravo, Wassermenge 2 Platz, Weite 3 Platz, Wasser in Milchkanne 4 Platz, Glücksspiel Dart Schiessen 1 Platz, Fischen und Mausefalle, da heimer chlei Schwierigkeiten gha. Ir Rangliste simer uf em 5 Platz glandet, es super guets Ergebnis.

Diejenigen wo dr Rest vom Tag si dört blibe und auf dem Riffenloch übernachtet hei, es paar hei im Stroh übernachtet. I gloube si si froh gsi hei si am Sunntig morge chönne go Dousche. Frühstück heimer am Sonntagmorgen uf dr Terasse bir Fam. Schär gnosse bi super schönem Wätter.

Im August isch Passiv/Gönner Abend gsi, nach dem Apero hei mer Grillet.

Am Samstag, 11. August war das Helferessen vom Eieraufleset, wäge dr trockenheit isch Feuervebot gsi, mir hei bim Waldhaus Schwadernau wöue Grillplousch mache isch du nüt worde, hei kurzfristig ds Programm müesse ändere. UF e Vorschlag vom Stefan Christen mir mache das bi imir im Garten de mues ig nid aues is Waldhaus transportiere, isch dankend a gno worde. Isch e schöne Summerobe gsi, plötzlich isches aber chaut worde, Claudia Christen het du Bulli, Jacken u für eine zwe no Socke greicht. Schad si nid aui cho! Datum isch ja sehr früh bekannt gsi u dä mit em An / Abmelden, isch das immer e Sach, o wes uf em Flyer drufe steit.

Hüt wo jede es Händy het, für diejenigen wo öppis Organisiere isch das e „Schissdräck,“ Mir si froh wenn sich öpper bereit erklärt öppis z' mache! Ende September isch Schlussübung gsi.

Im Oktober heimer no einisch Mittwuchhöck gha, es het es guets Risotto gäh, zubereitet vo üsem Sekretär em Stefan, är het das guet im Griff, chönnt no e Gourmet Koch würde mit der Zyt. Villich cha üse Reisbauer vo Schwadernau ou mou es Risotto mache mit Schwadernauer Reis! Wär weis?

Am 14. Dezember isch mit em Fondueässe, üses Fürwehr Jahr zu ende gange. Wie dr ghört heit isch chlei öppis gange im 2018.

So das isches wider mou gsi, freue mi scho uf 2019  
Merci fürs zue Lose

President im Februar 2019  
Lorenz Gafner